

第一二三冊

方輿彙編

職方典

徽州府部

寧國府部

(卷)

六十七

七十四
七十五—八〇

古今圖書集成

中華書局影印

欽定古今圖書集成方輿彙編職方典

第七百八十七卷目錄

徽州府部彙考一

徽州府建置沿革考

徽州府疆域考 有圖 形勝附

徽州府星野考

徽州府山川考一

職方典第七百八十七卷

徽州府部彙考一

徽州府建置沿革考

本府

通志

禹貢揚州之域春秋屬吳繼屬越戰國屬楚秦置黟歙二縣屬郭郡漢屬丹陽郡縣如故設都尉分治於歙新莽廢東漢復舊吳析黟歙爲六縣割丹陽置新都郡晉改新都曰新安宋齊因之梁改新安廢郡置歙州改海寧曰休寧大業初復新安郡唐初復稱歙州天寶初改新安郡永徽間析歙地置績溪開元間析休寧置婺源永泰初析婺源及饒州之浮梁置祁門乾元初復爲歙州隸江南西道五代屬南唐宋隸建康路宣和初改徽州紹興初分隸江南東路元陞徽州路屬江東建康道隸江浙行省元貞中陞婺源爲州明先改興安府後改徽州府降婺源復爲縣屬南直隸

皇清因之隸江南省安徽布政使司領縣六

歙縣 附郭

秦置歙縣以南有歙浦名屬郭郡漢因之屬丹陽郡爲都尉治三國吳屬新都郡析置始新新定黎陽休陽四縣晉屬新安郡南北朝宋齊因之梁屬新安郡陳屬新安郡隋初省縣尋置歙州後改縣屬新安郡餘縣悉省入唐屬新安郡析置北野縣宋爲徽州治元因之明徽州府治皇清因之編戶二百八十四里

休寧縣

秦歙縣地屬郭郡漢屬丹陽郡三國吳置休陽後改海陽屬新都郡晉改海寧屬新安郡以黎陽省入南北朝宋齊因之梁置新寧郡陳並廢復海寧縣隋大業初改休寧屬新安郡唐屬新安郡永泰初析置歸德隨省宋屬徽州元屬徽州路明屬徽州府

皇清因之編戶二百一十六里

婺源縣

隋以前休寧回玉鄉地唐開元末析置縣以縣水流於婺源故名婺源屬新安郡宋屬徽州元陞爲州屬徽州路明復爲縣屬徽州府

祁門縣

漢黟縣赤山鎮地唐永泰初兼析饒之浮梁地置縣以縣東北有祁山西南有閭門合名祁門屬新安郡宋屬徽州元屬徽州路明屬徽州府皇清因之編戶四十九里

黟縣

秦置黟縣以縣有黟山名屬郭郡漢鴻嘉中廣德王國三國吳復爲縣屬新安郡南北朝宋齊因之梁屬新寧郡陳隋唐俱屬新安郡宋屬徽州元屬徽州路明屬徽州府

皇清因之編戶四十五里

績溪縣

漢歙縣華陽鎮地唐永徽中析置北野縣後改今名以縣乳溪與徽溪相去一里離舍如績故名績溪屬歙州宋屬徽州元屬徽州路明屬徽州府

皇清因之編戶三十五里

徽州府疆域圖

徽州府圖



徽州府疆域考
通志縣志合載

本府

東至浙江杭州府昌化縣界一百一十里

西至江西南昌府新建縣界一百二十里

南至浙江嚴州府淳安縣界一百里

北至寧國府太平縣界六十里至

京師四千里

東西廣三百九十里南北袤二百五十里

歙縣

歙附邑也東至浙江杭州府昌化縣界

西至休寧縣界三十里

南至浙江嚴州府淳安縣界

北至寧國府太平縣界

東西廣一百五十七里南北袤二百四十里

休寧縣

府西六十里為休寧東至歙縣界二十里

西至祁門縣界八十里

南至婺源縣界九十里

北至寧國府太平縣界一百里

東南至浙江嚴州府遂安縣一百四十二里

東北至歙縣湖嶺界三十里

西南至婺源縣一百五十五里至江西浮梁縣

一百四十里

西北至黟縣九十里至寧國府涇縣界一百四

十里

東西廣六十八里南北袤二百七十九里一百

三十步

婺源縣

府西二百四十里為婺源東至休寧縣一百一

十里

西至江西饒州府界一百里

南至江西南昌府界四十里

北至祁門縣界一百二十里

東南至德興縣一百四十里

東北至休寧縣界一百二十里

西南至平樂縣界八十里

西北至江西浮梁縣界九十五里

自縣至

京師四千一百八十五里

東西廣二百二十二里南北袤一百五十里

祁門縣

府西一百八十里為祁門東至黟縣界五十里

西至江西浮梁縣界一百里

南至江西浮梁縣界九十里

北至池州府石埭縣界五十里

東南至休寧縣界七十里

東北至黟縣界三十里

西南至江西浮梁縣界一百里

西北至石埭縣界八十里

東西廣一百四十里南北袤一百四十里

黟縣

府西一百四十里為黟縣東至休寧縣界四十

里

西至寧國府太平縣界五十里

南至祁門縣界二十五里

北至寧國府太平縣界五十里

東南至休寧縣八十里

東北至寧國府涇縣二百四十里

西北至寧國府太平縣一百八十里

自縣至

京師四千一百四十里

東西廣六十里南北袤七十里

績溪縣

府東六十里為績溪東至浙江杭州府昌化縣

界五十里

西至歙縣界十五里

南至歙縣界三十里

北至寧國府界三十里

形勝附

本府 歙縣附郭

梁書徐摛傳新安大好山水可以臥治

類要百城襟帶

新安文獻志序地勢斗絕山川雄深

新安記山峭屬水清激

新安續志序據浙江上游水雲深處

府志拾遺東有大鄣之固西有浙嶺之塞南有

江灘之險北有黃山之阨即山爲城因溪爲隄

三面距江鳥道縈紆

歙縣 浦口嵌巖峭峙兩港合流僻處一隅屹

立如保障

休寧縣 高山浚川長林沃野徽之樂土尤在

休寧

婺源縣 重山複嶺異材間出

祁門縣 重岡列岫清淑之氣融結於中

黟縣 坡隴左裘壑谷右浚黟邑桃源烟霞百

里

績溪縣 山窮入雲水駛激射新安門戶吳越

屏藩

徽州府星野考

通志縣志合載

府屬總

史記天官書斗江湖牽牛婺女揚州

晉書天文志丹陽郡入斗十六度

唐一行雲漢圖揚州吳越居山河之下流其在

天則斗牛之間當雲漢之末派故星紀之次爲

吳越之分野吳居淮海之間當南斗之下則斗

爲吳分

舊志歙爲古丹陽地在九州爲揚揚分斗牛女

其次星紀其辰丑其帝熒惑其千丁其錯屬斗

垣在北斗曰權在斗杓曰開陽在上台曰下星

天市曰東第六星十二國曰越然皆統言吳越

未有分屬至漢地理志乃云吳地斗分野越地

牽牛婺女分野唐書南斗在雲漢下流爲吳分

野然亦未有度數唯晉志丹陽入斗十六度石

申云丹陽入南斗十六度考南斗中天雞二星

入南斗十六度半故天雞所入之次即丹陽所

入之度歙黟故丹陽地今爲徽郡歙黟屬入斗

並當十六度分

祁門縣志祁古丹陽地在九州爲揚揚分斗牛

女

本府在漢爲丹陽郡尉治正當斗分晉書天文

志丹陽郡入斗十六度會稽郡入牛一度按古

丹陽歙縣地與會稽之富春接是斗牛之交也

自南斗十二度至婺女七度于次爲星紀于辰

在丑故本邑屬郡爲星紀丑南斗十六度

徽州府山川考一

通志縣志合載

本府 歙縣附郭

駐蹕山 在縣東北舊名玉屏山山方峙如屏

障風泉傳響常吐飛溜下寬廣可屯軍明太祖

定徵駐蹕山椒謂之玉帳遺蹤也其麓爲西清

館京兆畢懋康所構以池蓮有紅白雙花並蒂

者又顏之曰華萃山後有石聳列若石城又名

曰石壁山有禪刹曰白雪樓駐蹕東且南曰白

榆山曰馬鞍山

龜山 北面縣治一名圭山取執圭之義以爲

名

烏聊山 一名富山在郡城內東南高二十八

初漢建安之亂邑人毛甘以萬戶屯山上吳將

賀齊破之因置新都元和郡縣志云上有毛甘

故城隋末汪華起兵亦嘗屯軍義寧中自萬安

山遷治於此其山盤礴治城雄挾閭閻上有數

石號曰落星石前爲東岳廟俯瞰澄江宛委如

龍遠峯近巒飛翠遂青爲登眺之逸地矣下有

仙姑井宋鄭仙姑居此蘇轍常造其家多所問

答其北曰萬山舊有飛雨樓相傳呂純陽避難

此山

斗山 在萬山東勝雲冠峯高霞翼嶺一名七

星山岡聯七巖如貫珠上有斗山書院後爲

魁杓亭亭出萬家烟火上山溪廬井盛若蟻蛭

實郭中之峻嶲也

問政山 在府城東五里爲縣治屏障宛若舞

鳳翔鸞游龍伏虎一名華屏叢篠干霄溫翠霏

人山椒有高眉峯唐有干方外者自荆南掌書

記葉妻學道其從弟德晦刺史歙州來訪之爲

築室山上號問政山房山有萬仞花屏亭與道

觀又有鐘樓峰峰後爲寶相寺寺側有泉甚甘

冽翠竹長松幽源曲塢最爲幽逸者矣

紫陽山 在郡治南築立亭臺叢柯隱景宋朱

文公父章齋愛其秀麗卜居焉後文公自閩來

復止此講學

城陽山 太平寰宇記云城陽迴環孔高爲城

郭之襟帶唐景雲中許宣平隱山之南塢故別號南山宣平負薪入城檐桂花飄柱曲竹杖醉歸獨吟曰負薪朝出賣沽酒日西歸借問家何處穿雲入翠微又題所居壁上云隱居三十載築室南山巔靜夜玩明月開朝飲碧泉樵人歌壘上谷鳥戲巖前樂矣不知老都忘甲子年好事者題於同華傳舍李白見之曰此仙人也乃游新安涉溪登山累訪不遇題詩云我吟傳舍詩來訪真人居烟嶺迷高跡雲林隔太虛窺庭但蕭索倚杖空躊躇應化遼東鶴歸當千載餘今溪畔浣沙阜即白延佇地也其山夷曠數畝四面墳起如堵亦名翠微峯取宣平穿雲入翠微之句也山椒有穿雲亭上有鉢孟山禮斗壇後有仙姥峯仙姥谷分桃石豐隆嶺丹地浴仙池諸勝山上有許仙宮又有金仙壇宋金野仙梁之隱此郡守趙師夔招之不住披雲峯 在城陽山右高栖天宇上造雲族唐貞元末張友正栖息於此宣歙副使魏弘簡重友正才爲建亭峯頂名披雲亭峰下有梅花古納墓梅數十本

龍井山 一名鶴頂山橫截練江雄挾漁梁澎湃之音驚川聒谷相傳宣州刺史訪仙待渡於此俗所謂訪仙橋也上建禹廟複道巍樓植白綺分有文昌閣登望見練江如帶馳波跳沫舟檣鱗次魚鳥上下最爲遐曠也

霞山 初名蝦山鬱葱麓勝演流峻峙頽波瀾注旋繞九曲邑令張濤建浮圖於其上名曰神

柱

飛來山 在問政西一名飛笙山相傳昔有鳳飛來生八子於此故山有八子巷焉上有鳳岡精舍畢處士元所栖其入山小徑旁爲朱文公外祖祝氏舊居嘉題舊時山月四字今兵馬使畢力忠長春園是也

紫芝山 在飛山東峻嶒攢簇望之如芝又若雲焉故曰紫芝

站寶山 層崖瑩秀

塌子山 峯巒競秀即黃塌嶺也嶺斷而再起爲高眉尖下有阿育王殿一名高峯庵過此爲問政山

紫金山 在府城東三十五里高百餘尋列若翠屏舊名金紫山與續之石金山皆號甘露大士道場暮夜每見種種光相映宋紹興間改曰紫金徒白蓮院於其上旁有瀑布曰排泉九派飛流丈者如幢尺者如帛寸者如襪線纖者如芥子鳴球發簾如挹百斛珠矣

東山 去登第橋二里許岡阜平衍與郡治相倚角

萬羅山 山腰有洞世傳爲黃石公洞有泉溉田二頃

貴金山 與富金山連巒競秀有洞曰石佛洞嵌空玲瓏深窅不可測石壁儼像大士因以名焉有泉淙淙不竭常自洞出以上皆在縣東

五魁山 一名五鬼山一名火篋山峰如樹擎近對郭門郡志云五峰煌煌實啓文運

龍王山 其山上石善崩下淵莫測行者股栗知縣戴東曼鳩工伐石滾水築隄方廣二丈延袤六百餘丈外護石欄路平如砥實邑中永利焉歲久傾圮邑人方如筵獨力重甃行者利之

聖僧山 峯巒秀拔層崖曲障羅前翼後石挾一峯歸然聳絕溪流環遶蒼碧交映唐武德間僧慧明居此故名下有泉凝碧修廣數畝曰靈塘左爲洗眼池山巔下有石曰仙人幢南渡時有道人鶴亦常居此松林竹色蔥蒨映人

師山 上有元鄭玉書院

太守山 一名屯邊山上有忠烈太守陳彥回祖母郭夫人墓

龍山 上有慈孝堂宋處士鮑宗巖子壽孫之所居也父子遇賊爭死於此學士揭傒斯以慈孝名其堂上有二松世傳寇壽孫於松上大者虬枝龍甲有受縛狀小者俯身詰屈若乞哀者然至今呼爲慈孝松

古巖 在寒山里山不甚高峻丹崖層峙鶴立鸞飛蜿蜒不絕稜稜威露石骨有巖橫互紺色蒼剝形如覆屋可容十許席唐會昌中建古巖院徑山大師蘊公習靜於此

陰山 臨豐樂溪鬱鬱佳氣肅然稱尊瀉影澄潭纖毫可擢長松赤岸朱翠交光

潛虬山 在巖鎮豐樂溪環遶山麓喬木修篁蔽虧雲日舊有兼葭館安羅園下有潭曰虬石游鱗可數蘋藻繁流寬川含綠

南山 山史云南山巖市而招天馬黃羅之秀

蒼鮮嵒峭明理學局程姚舜牧著書於此

文凡山 一名鳳山山史云文凡山奠東流三

臺矗立如起蓬島浮圖挂漢虹彩飲川遠眺則

蒼林白社百里若咫尺則長松疊翠溪淨如練

時而鈴鐸傳響輒使人有凌雲想雖通夫五老

三峰亦足表丘壑幽姿矣

黃羅山 山豐趾而首銳俗稱南極壽山遊者

必陟巔以徵壽西之鎮山也相近者為黃牛山

所謂西有黃牛之塞也山麓有羅頤樓其支出

者曰簞墩俗傳黃巢寇郡退地名黃者即斂兵

不入因易簞為黃得免害或云晉黃積守郡卒

於官子孫家此因名今黃積墓猶存

天馬山 距黃羅五里香嶂連嵒雙峰對起中

虧若玦又若鞍焉故曰天馬其西曰金鷄峯

幔亭山 在阜嶺之巔有豎石突雲表古松蔭

蓋俯瞰羣峰攢簇如垣如屏百里若咫尺蒼林白

社宛類仙家

魚袋山 在天井山之西不甚高頗巉峻禪廬

飛閣悉嵌危壁間四周羣峯矗起攢如菌苞榦

杉蔽虧有庵曰一樹穠秀纖麗如李家金碧山

圖循危磴石為防突石成關依關構小閣曰飄

飄折下一塢則楊枝泉出焉飲如甘露

金竺山 在琴溪之上巽翁崑崙宛如列屏仰

視循山插空俯視則懸岩百丈跬足如限振衣

長嘯山谷響應上有讀書墩南唐舒雅肄業之

區也有泉曰錫杖錫鱗出沒其中左上為吳越

王慕俗傳王兵敗於此今尚有吳越王祠山麓

為龍湫崖背山臨溪丹崖如削沁瀑霏微不絕
下為莫釣潭潭深無際漾波澄鮮豐水之別匯
也以上在縣西

雲鳳山 在縣北七里一名雲郎山上雲氣

鬱蒸故名

窠山 高百五仞周二十五里其山多著靈異

鳳凰山 在縣北十五里高三十仞周五十五

里曾棲鳳凰舊產茶

仙姑山 西鄉稍北之少祖傳云山上石不可

斷傷一斷則害不可勝言

飛布山 在縣北二十里舊名主簿山唐天寶

六年勅改曰飛布山又名瑞金山高一百七十

仞周二十七里扶輿磅礴為北鎮山昔主簿葛

顯偕縣丞率邑人避亂於此後人因廟祀之唐

刺史劉贊祈雨不驗焚之有人夜聞暴風雨如

人馬聲繼夢神告之曰吾將寄於靈山上有甘

露洞深不可測碧黝而潤吐納雲氣其支曰飛

岑山岩石繡錯高邁尋丈左去二里曰駁唐山

疊嶂與飛布相接岡背伏牛特起石色葱翠望

如堆綠中有片石如碑碣石文綠字彷彿雲書

厚山 唐天寶六載改名武山遇時遞續波與

雲巖若率諸山以供衛瑞金者

黃蘗山 在蕩嶺東支發蕩嶺高五百六十仞

布射之水出焉唐裴休刺史歙州訪黃蘗禪師

於此因以名其山以上縣北

靈山 在縣西北三十里亦曰靈金山高三百

五十仞周七十七里大小母竭之水出焉文獻

通考云歙縣漢有靈山有石如車蓋天欲雨便
聞鼓角聲山有靈壇為古高祿著靈西京上有
甘露殿奉甘露仙宋時績溪汪氏以貞著潔
志修真蟬蛻於此世目為甘露王如來非也寰
宇記云山有香草名曰靈香上有靈壇道士祈
請不燒香自然芬馥射獵有踐之者終無所獲
故靈得其名矣是山歲以六月十八日作佛事
其夜青燐出山谷中時明時滅載合載分陰崖
邃壑遠近照耀或撲之即闇然無睹俗謂之金
燈

豐山 盤踞深水之陽俗謂積雪可驗豐歉或
云山體豐厚故名

葛山 傳云葛仙翁嘗浴丹於山阿洛中魚食
其餘皆為龍故又名鯉王山今洛水清冽而其

名曰甘泉宋羅願生時湧出三日如蜜

小武夷山 在溪溪北舊名馬鞍山山形甚峻

秀巖現拔知府彭澤目之曰小武夷

長青山 匡黃山而南嶺者也高不及靈金葛

山反若執戟而衛其巔為羅真人文祐冲舉處

倚石嘯歌松風上下山之麓曰朱村即文公之

祖居也

深水峯 在楊干黃龍山峯端圓如鐘鯨端春

撞山谷應鳴唐初有僧探勝止此其徒臺選增

創為楊干寺峯下有水自黃山逶迤而來為黃

龍源入於深水

浮丘山 一名鳳山翠起莽蒼層巒峭舉上有

浮丘壇禱雨輒應下臨藥溪即阮公採藥處多

產紅木紫莖源出靈金山中

雲林山 又名雲嶺山岫壑冲深竹樹交陰唐

大曆丁未有志滿禪師露宿嶺半山繞衛枯

坐數月不知飢渴往來者以佛名之更名曰佛

嶺淳祐四年有僧雲林結茆山中下有亭曰公

翰亭迄今蟪蛄不掛於梁蟻蟻不集於宇

紫霞山 疊嶂四周石林霞駁上有大士巖巖

石鼓疊松翠石賴交陰如繡每當炎夏閩邑禱

禾祈雨者晝夜不絕下有井曰阮公泉岩下有

溪泠泠無輟

黃山 在縣西北二百八十里一名黟山高

千一百八十仞勢如削成烟風無際雲雨在下

北倚九華西拓彭蠡南接廣信左挾浙江右起

桐汭以盡海濤皆支隴所分漢末會稽守陳業

潔身清行通此世傳黃帝與容成子浮丘公煉

丹於此後有曹阮之徒棲焉唐天寶六載勅改

爲黃山其峯三十六源如之溪二十四洞十二

巖八

天都峰 高九百仞健骨峻嶒卓立天表頂有

石室洞門宏敞又有石臺凌空而出背倚玉屏

端巖聳峙雲濤澎湃時擁山腰峰拔雲上反若

奇影虛懸頽然欲墮水曰香谷源香水溪

鍊丹峰 鼎竈杵臼具存水曰鍊丹源洗藥溪

青鸞峯 爲天都之輔倒懸如舞水曰採藥源

紫石峰 連於青鸞巍聳干霄厥石純紫水曰

湯泉中有湯院即祥符寺也

鉢孟峰 傳昔有東國僧於此修煉乘龍而去

後有僧作偈云憶昔降龍沒處收那時擲鉢覆

峰頭而今正好掀翻看爲雨爲雲作大流有洞

名仙僧洞洞口陰夕有光如燈謂之聖燈水曰

擲鉢源錫杖泉

桃花峰 水曰桃花源桃花溪流入湯泉溪

朱砂峰 奇峭互上純骨無膚石洞間產蒼松

丹翠交錯半壁有朱砂巖捷獼所不能攀也下

有洞有石有源有溪皆以朱砂名

獅子峰 首大於趾其勢昂踞下有錦霞時時

布幕因名其洞水曰香林源

蓮花峰 高九百仞石蕊中尊千葉簇簇如瓣

而徑尤竊窺遊人綠莖而升穿孔而出自此望

峯頂有石瓣二如墜葉飄空倚丈木而梯之若

綴絲山泉激其趾足皆浮動游者股栗上有石

船名渡雲峯其旁爲蓮蕊峯有蓮花洞水曰蓮

花源

石人峯 形如畫像有鶴鶴洞水曰白鹿源傳

云浮丘曾駕鶴於此

雲際峯 望之在杳冥間下有藏雲洞水曰乳

水源味甘如乳

疊嶂峯 層巒而上如屏如屨有石乳巖其白

如雪四時長滴有坑長陰不見日名曰陰坑源

源水入白雲溪溪中潭影清絕白石橫底曰白

龍潭

浮丘峯 下有浮丘廟即軒皇壇在阮溪相傳

軒皇氏昔同曹阮二真人同煉丹於此處軒黃

壇之右有兩泉一日日池一日月池大旱不涸

又有水曰五雲源浮丘溪

容成峯 高與浮丘齊水曰容溪

軒轅峯 有仙人石座仙人洞仙人石室毛人

巖紫芝常生峯頂故水曰紫雲溪

仙人峯 若兩石人對坐相傳南向者軒轅北

向者浮丘其下石壑萬仞削立無階罕有津逮

者

上昇峯 昔有阮仙於此上昇峯下常有仙樂

之聲源溪巖洞皆以阮公而名故俗亦呼爲阮

峯

清潭峯 潭水倒瀉清冷特異水曰布水源錦

魚溪魚皆錦鱗也

翠微峯 嵐碧染地松青到天山翠真欲滴矣

有洞有寺有源皆以翠微名溪曰青牛溪

仙都峯 有觀水曰仙都源

望仙峯 龍須巖龍須草生焉有絃歌洞水曰

絃歌溪

九龍峯 合九辯之勢如龍纏糾蜿蜒相屬巖

洞宮觀源溪皆以名之

聖泉峯 狀如腰鼓聳然互天頂上有湯池遊

履不能到鄰峯遙望之則見池波沸湧一瀑水

向峯頂東南而下入湯泉源甘泉溪

石門峯 黃山之中峰也石相摩如門有大石

牀大石塔石澡瓶水曰石門源石門溪

棋石峯 唐天寶中有人於此見棋局布子撥

去復見如初水曰棋石源

石柱峯 亭亭獨上撐霄擎日望之如幹然水

曰石壁源

雲門峯 兩峯齊峙雲氣中通有若門焉水曰雲門源雲門溪

布水峰 水淙淙而下遙遙蜿蜒飄曳如練行者常雲霧沾人水曰百藥源紅泉溪

石牀峰 牀長一丈二尺廣五尺如白玉琢成

上有碧石枕三枚紫石牀三張水曰石室源丹霞峰 水曰紅木源丹霞溪

雲外峰 舉首雲際莫極其巔上有杜鵑花繞

峯而生從上俯瞰杏株無數紅杏源在焉

松林峯 有石榴巖水曰黃連源松林溪

紫雲峯 水曰柏木源榆花溪

芙蓉峯 隔溪有馬跡石蹄跡如印泥

采石峰 百花槽稜源洞深間峰下多白石如玉黑夜即見倒流而下有瀑布百尺其巖源俱

以白龍名以石色純素橫互如龍也以上三十六峯在黃山最稱奇勝

岑山 在縣南十五里大溪之中屹立中流石

勢礪柯水聲澗潄蚪松插天蒼蘚蒼蔚瀉入碧潭巔平夷唐天祐間建寺曰周流元鄭玉書結

屋其上名讀書樓因更山曰小焦山下爲鄭公釣臺

石林山

如蓮萼從瓣中曲轉而下爲觀音巖

巖畔一松獨秀昂頂而翼楚楚下垂世有雌松

之目大石離立削成四方不可登旁附一石如

駢指絕類黃山諸峰

尖山 去石林三里許四面成形金木水土

畢具

派塘山 怪石林立爭奇者百數蟠桃更爲奇

峭

霸王山 怪石翔空若獅子奮迅狀石砭一石

昂起鱗甲飛動各曰石鯨

九龍山 在篁南上游率水之高關也橫波兀立如列屏梁開府程忠壯之故宮在焉

覆船山 在郡南形如覆舟遂深險異甲於一

郡元鄭玉深愛之攜書結廬於此門人洪斌構草堂於眠雲石下名曰招隱

李田山 鬱積與曠

石响山 在烟水上游不依麗而聳峙峭壁摩

空江流帶繞上有螺髻峯浣翠淋漓足傲靈巖而雄邁過之峯頂三石筍特出名曰三友石稍

東爲簇石仙姑洞在焉

石耳山 爲邑南屏障孤秀環奇巋然昂霄峰

石皆倒垂如蓮瓣絕類黃山其筍出者甚衆唯一筍高丈許中分二股一松斜覆其上風過則

盤旋百態恍若仙人拍肩玉立恐終當飛去耳下有澗曰蛇坑溯源得一潭旱禱即淋漓從之上有仙姑庵

鐵釜山 有靈壇禱雨遂應

冬山 在富溪北舊名固溪有靈鷲庵下爲項

公堤堤頭有玉印臺

夏山 與冬山近有谷口石出醴泉謝安曾訪

仙人曼都故跡飲泉於此

春山 亦近冬山有石壁立水許廣可坐千人

謝安曾飲於上名謝公墩

登仙峯 山形峻峭傳爲曼都飛昇處家人葬

以衣冠今峯頂有仙墓焉

浴石 在飛龍坑澗水宛曲若龍故名其石爲

曼都浴處

柳亭山 一名昌山高二百仞周四十里昌溪

之水出焉其南曰飛來峰形如排雲御風

萬紫山 聳翠凌雲曰鐘洪山高數千尋上有池曰天塘旁有故址傳爲寶誌修道處

觀音巖 在鐘洪北懸崖可蔽數百人近巖有

金雞石

金雞石 壁立數千仞有赤文綠字俗傳能讀此金雞飛鳴唐羅隱過讀之遂見金雞飛鳴焉故名金雞石

仙姑巖 在石耳山巖斜出下覆可避雨數十人頻視如從地飛出仰眺如從空飛擲真可稱

懸巖舊奉三姑像巖左一瀑布高可三丈許石

如紫玉平若削成中流一線直瀉巖前成一小潭潭有覆石方廣八尺許蓋天生石梁也環石

皆竹其出石下者頂石而止若琴枕雁足焉石門 太平寰宇記云石門是量山之一峯兩

山相逼半壁有大石橫架其上通兩山焉以上在縣南

豐樂溪 出黃山湯溪其自白雲溪松谷澗九

龍潭迢遙溪者皆越太平其左支經桑嶺會文

溪經海陽縣治入於浙江惟浮溪經雲門峯下

會曹溪阮溪容溪入於豐樂而支於汪溪溪

衆水會之溪流始大又五里爲龍擺溪過至溪
琴溪四合於仙人臺折入谷口引溪流入洞名
曰閭闔溪又行二里許有潭澄清而波濤碎擊
俱以狀元名以與舒雅之居近也中多飛鳧泛
渚昔人呼爲雪鳧焉又折而東爲溪南長林叢
薄旌亭榭含溪行至此漸覺魚鳥依人堪作淞
濮間想又十里經巖鎮繞蔭山之下頽水會之
趨於潛虬山鳴球發簾淵無潛鱗飛虹翼之如
在蓬島又折而東南二十里與富資水合流入
於練江

頽水 西北源出金竺黃澄塘西南發海陽劉
家山濫觴於蕺睦以入豐樂溪溪浸深廣諸峯
攢立丹崖翠壁高木菁蔥

曹溪 出黃山東掖左草萊嶺右雙嶺翼之良
鳳阮抗其北良源西注潘源東繞匯於曹溪曹
公先世得道之士白晝拔宅昇霄不知其名遺
蹟在银杏根之陽其樹一本雙幹聯而枝之相
傳挂陌竿所化幾若鄧林矣圖經稱阮溪浮溪
曹溪阮溪近縣界二十里而合浮溪在雲門
峯前又三十里與曹溪合於石壁衍而爲長潭
其稱三溪以此自雙嶺下山半得一澗青石齒
齒流激而清飛濤振響所謂潘源也入五里曰
碣石石龍巖出洞底大於華嚴山人於斯造梁
名曰羣玉橋

富資水 出窮嶺南踰昉溪折而入跳石石在
溪中離岸數丈傳昔有羅腰者居溪口臂力過
人嘗躍過之石上有足跡云由跳石而下注豐

口會於布射以入練溪
布射水 出黃巖山元和郡縣志謂出飛布山
南流至縣治會揚之水

昉溪 在縣北四十里梁太守任昉行春至富
資緣源尋幽累日不返人因名爲昉溪其村曰
昉村唐大中間刺史盧潘改爲任公溪任公村
溪上有石屹立爲任公釣臺

揚之水 源出績溪巖從山南流四十里至大
屏山乳水注之又南五里歷靈山之麓羣水自
西來會南至於象山二十里又東會於登源之
水又西會於上溪之水合流紆緜四十餘里入
於練溪一名微溪

練江 環遶郡城揚之布射富資豐樂四水分
派合流直瀉如練而抵於城南平衍渟蓄竟川
含綠是名西溪所謂河西之干也興唐寺踞於
南阜雲峯塔影倒射中流而長堤弱柳蔭帶城
郭循瀾進艇如鏡中行稍下爲浣紗阜李白訪
許宣平延佇於此其水注於漁梁經龍井山下
抵歙浦而其中層巒傑石散置波濤中者爲汪
王鐵沙二港篙師放舟如出三峽輒令人心悸
南下多湍險有西門桓木靈康鐘樓分流宮灘
三門凌村清石車輪諸灘新唐志呂公灘舊名
車輪善覆舟唐刺史呂季重募工擊之故名太
平寰宇記云亂石淙流中無港道行船環曲有
若車輪矣歷廟前朱家樺木三灘乃達歙浦合
於率水水經注云漸水北經歙縣東與一小溪
合卽此

浙江 源出休寧之率山水經云漸江水出三
天子都蓋浙水之源也經歙南之九龍山橫波
兀立如列障爲水端驟伏而洗洋者爲相公湖
有臺巋然而峙是曰蛟臺金光晃昱雲蒸霞蔚
程忠壯之故居在焉折而南經大聖山慧刹峯
有大埠離立如覆敦者曰孤山孤山之麓卽元
徵君鄭玉富登釣臺巨石出沒有若渴蜺飲淵
矣從釣臺南衝馬砦經王潭徐潭東經岑山經
所謂杭阜者謂武林之遊自阜始矣層山峭嶂
瀉出碧潭幽邃不減焦山又東折二十餘里達
浦口與練江合而爲新安江

昌溪 出柳亭山東南經雙溪會於揚之水
綿溪 在縣東出佛論嶺西流四十五里至鳳
池村入於深渡

武洪水 出休寧稍雲山南流二十里經武洪
村又南流四里合揚之水

新安江 江水之總名也自歙浦達桐江凡七
百里皆名新安江方輿勝覽云源有四自歙來
者出黟山自休寧來者出率山自績溪來者出
大鄣山自婺源來者出浙山

落仙潭 在太源今名雲門石

銅井潭 一名石壁壇在縣東北四里揚之水
中周二百尺旁有井深不可測

釜底潭 在縣南二里揚之水中寰宇記云面
正圓下斂如釜底有斜穴潛通股公井

九公潭 在城內懸崖臨流夜行多贖溺明萬
曆戊午始建石欄往來便之路左建觀音閣前

爲文昌樓

金鷄潭 在嘉田巖石壁立百丈潭在其下
龜潭 在西北六十里

綿潭 淪潭 漳潭

石潭 定潭 皆在南鄉

王潭 在浙江中馬砦旁石崖內削雄敵萬夫
潭渚其下有隱園

徐潭 在烟楊邨渡處傳昔宋高宗南渡有徐
姓居之故仍其名與王潭相去里許潭上有車

務土神祠下有杏潭三潭之所由名也

相公潭 水最澄碧晴風麗日游鱗來集如數

百口劍光翔舞潭下岸南有古木一株名相公
樹廣陰數畝土人水旱差薦貧禱樹下儼有雲

車風馬颯颯而至立昭神貺

三姑潭 在石耳早禱卽淋漓從之上奉三仙

姑像謂陸姑葉姑何姑也

石淙 去十寺西岸數十步有泉一支裂石而

出潺湲冬夏上鐫石淙二字盛暑游人膏識其
處艤艇最下倒瞰潭影聽潛魚之戲藻聞幽卉

之吹香鼓枻銜杯覺玉鑪三澗之聲去人未遠

白龍潭 在白雲溪懸瀑飛奔噴薄如雪聲撼

陵谷水流入硤砂溪旁有狎浪閣

桃花潭 在桃花峯下水流人間潭浮雲上

九龍潭 在丞相原道中九泉噴射破山而出

雷聲電擊有若龍戰矣

碎月灘 在興唐寺前練溪出新安江此爲第

一灘李白遊興唐寺有檻外一條溪幾回流碎

月之句故名

湯泉 太平寰宇記云在北巖山東峯下香溪
中泉口大如碗可煑雞一名朱砂泉唐大中間

刺史李敬方感白龍現作龍堂於湯池之西南

唐時所謂靈泉院也

白水泉 在城南白水寺相傳有僧夢夜又乞
改名僧改爲錦繡復夢來謝云攝有白水在寺

相報旦起泉湧如雪

綠水泉 在城南綠水寺湧綠而甘又有葛山
甘泉

沁珠泉 在北四十里泉從底出泡點如珠色

味大佳

雪寶泉 在福勝寺

湧泉 在方塘晝竭夜生湧出平檻

逆玉泉 在寶相寺山麓

解慍泉 在龍王山麓知縣戴東旻藩出上有
解慍亭

勝山泉 在古巖世傳聖僧卓錫所導清瑩可
掬最爲甘洌石爲清涼池泉水下注潄於青蓮

塘徑山大師說法有青蓮出陂陀上故名

渥洼泉 在岑山崖石上溪淺而窟始見其味

洌於中冷蓋天馬所飲也

阮公泉 在潛口

松泉 在潛虬山大旱不涸

飛雨泉 從湯寺遙望山泉高灑有如霖澍蒙

若深秋然

鳴絃泉 在黃山瀑布千丈蜿蜒直下白練騰

空大若罍罍一石衡水上豐右殺左如琴水聲
最爲清曼

玉泉 在清泉寺側

楊枝泉 在一樹庵隅中飲如甘露潘之恆有

記

欽定古今圖書集成方輿彙編職方典

第七百八十八卷目錄

徽州府部彙考二

徽州府山川考二

職方典第七百八十八卷

徽州府部彙考二

徽州府山川考二

休寧縣

通志縣志合載

松蘿山 在縣北十三里高一百六十仞周十

五里與天祿山聯山半石壁插天峯巒攢簇松

蘿交映山蜿蜒數里如列屏障于縣治之北左

幹騰躍東下則入歛諸高峯乃旋面而西爲邑

巨鎮山北郭從東行爲入山徑崎嶇幽絕不納

輪蹄石嶂夾流入穿鳥道歷山隈踰峻嶺復坦

夷而闢阜別一洞天再入則危石曼泉潺湲迸

玉復數里而層巒迴合鬱葱吞吐俗呼爲金佛

山蓋未有金佛庵實爲松蘿山也

古城巖 在縣東七里高八十仞卽萬歲山上

有歙州治舊基下有巨石高丈餘宋邑宰鄒補

之隸書兌卦爲磨崖碑山麓兩巨石夾立如門

循門而上有兩石如鵝兩鵝入洞各見後半體

宜和間改爲萬安山明太祖臨徽州曾駐蹕占

籤後勅祀榜文云神兵助順復名萬歲山

鳳凰山 一名鳳山又名靈鳥山在縣西二里

自白雲峯翼然而來盡於夾溪二水之會下臨

孔道趾方頂平爲海陽舊治旁有小池曰鳳池

落石臺 在縣西南二里舊名斷石山宋邑令

呂大防題

白嶽山 在縣西三十里高三百仞周三十五

里奇峯四起絕壁斷崖遊齊雲者必先登焉

齊雲巖 在白嶽西北高三百五十仞周廻數

十里縣西行峯皆平遠至白嶽嶺峯始奇石路

盤廻如線遊人緣梯而升焉

獨聳巖 高三百仞周十五里頂有池水清澈

可鑒崇崖凡數曲里人鑿渠引水下出溉田千

畝

石橋巖 在白嶽山西原名岐山高二百仞周

二十三里石壁千尺古藤絡其上花時如錦屏

下有石室橫亙數十丈唐天寶中有僧居之有

龕像講臺梯之屬乾元中道士龔棲霞絕粒

隱此元和四年刺史韋綬感夢置精舍名石門

寺門之下曰爛錦巖門之上曰雲外座

玉几山 在縣南三里又名塔山兩旁有峯十

二文筆五峯築自宋元今頽圯異丙丁峯築自

明嘉靖間爲邑面山於學宮尤近

陽山 在縣西北五里下有姚主簿祠

石人峯 在縣西七里狀如人冠冕面山背水

而立

金竹山 在縣東十里爲界於歙

梧桐巖 在縣西十里有懸崖可避風雨下

有坦石可當階墀里人因作社祠巖左有澗三

丈不以石壘橫直用九石相抵成梁恍若神造

相傳以爲魯班橋云

東山 在縣西一十五里龍源趙沔從江西黃

楚望受春秋歸築精舍於上

靈山 一名鳳凰嶺在縣西南十五里由縣縣

灌頂諸山來與錦堂山石人巖皆同支絡盡於

遊仙山率水古陽水會焉兩峯有大聖祠禱雨

輒應

錦堂山 在縣南十七里孤峯特立趾圓頂平

金雞峯 在縣東二十里峭拔特秀山椒有酉

峯聖祠山半有佛龕胡侍御有讀書處

捎雲山 在縣東北二十三里高百五十仞周

五十二里洪武水出焉舊名郎山唐天寶六載

改此今名榔原山

方山 在縣南三十里一名寨山世傳避紅巾

亂立寨拒之趙東山記云川平山開洲渚隱見

白雲峯 在縣西北三十里俗名佛子山石圻

山支也上有磐石修簞擁護靈泉如半空飛雨

普照大士祠在焉旱禱雨多應

金龍山 在白雲峯北周二十里有梵宮

遊仙山 在縣東南三十五里平地特起四十

仞周五里南有石壁削成數百尺闊四十餘丈

呼之輒應名以響山其西塢有石峯特起狀丫

角杖名柱棒山

商山 在縣西南三十里名獅球山三面踞水

下臨君潭古木盤鬱山巖有石峙立如大士像
又名觀音寺里人於上建社稷祠

閭山 在縣西三十五里方塘趙訪避亂處

東密巖 在縣南三十五里高六十仞四面皆
平山上田衍沃獨此特高周迴絕壁如城東西
二小徑緣石磴登其巔平衍八百餘步唐乾符
五年黃巢兵寇郡程澤帥義立寨於此拒之今
水池壘壘猶存樵牧者時復遺鐵折戟上有元
帥府基下有落箭丘

雲龍山 與東密對峙山形故奇上有庵舍

赤山 在東密巖西元時斬黃兵亂士民作寨

山巔下有大杉木周六十圍狀如華蓋覆五畝

南當山 在縣西三十六里俗名當坑山高八

十仞周四里水口上隋時建縣治

屏山 在縣東南四十里錯綺如屏

石圻山 在縣西北四十一里山中拆故名高

百一十仞周六里支發縣牛泉夾溪水出焉

岐陽山 本名鎮山在縣南五十里高四十仞

其脉由馬金嶺來瑣源珮琅二水夾流而中歸

然特立其支爲萬松山

顏公山 在縣西南六十里高五百仞周三十

八里由五嶺來西南接婺源界自麓至巔可三

十里范方伯臨陽記曰山氣香煖勢高投清幽

絕氛俗人盛熱猶衿衣夜分似初冬節候山居

者辟葷酒遠近來者亦不以腥入眞仙界也

斗山 在縣南六十里形如斗峙

仰山 在縣東南七十里由漢口環珮水東行

過方山歷四上至茶園即仰山脚也登者如猿
升木壁手絕任趾不任踵直不可逕則繞折蛇

行號十八盤進憩自牛亭前度剪刀門時時捫

石爲固支杖以防及絕頂稍東折下數十百武

平衍夷曠殿祀寶公寺巖峯而南有龍泓旱禱

輒得甘澍羣山環拱若蓮花然故又曰蓮花山

鷄籠山 在縣南九十里高一百六十仞周五

十里形如鷄籠祥符經云唐開元中有道士謀

卜居視黃山曰確而寒視飛布山曰高而無輔

至此山曰是宜爲葬地高可致王侯下當致妖

異時縣人洪眞師事之道士歸臥室中眞竊視

狀如蛟龍俛覺遂辭去道士亦去眞遂遷父骨

葬此眞歸回玉鄉本好方伎頗能以小術動人

乃潛謀起事州發兵捕殺數十人而眞竟不獲

乃即回玉鄉置婺源縣鎮之其基尚存

石龍山 在縣西一百里門室並石境稱喚曠

方原山 在縣南百十八里高二百五十仞周

三十里本名黃土山唐天寶六載改今名又名

馬金嶺支發五嶺東連白際分支鷄籠其陰則

水北流入率江其陽則東入遂安西入常山界

總之朝宗於浙江云

高湖山 在縣西一百二十里南界婺源山椒

有湖廣十畝餘四時不涸人稱聖湖

鹿牌山 在縣西一百五十里高二百六十仞

周十五里昔有採藥者遇老人鬚眉皓白指靈

藥遺之乃鹿牌回顧不見

張公山 即古率山在縣西南一百六十里高

一千四百餘仞其山由五嶺西北重岡大嶺源

深根盤周百餘里有龍井禱雨輒應昔有張

公隱此採藥煉丹數十年後忽不知所之故名

山居養休之間實爲鄱浙二江之大源山海經

云漸江出三天子都在率東鄆道元所稱三天

子都在縣南蠻山中即其地也

白鶴山 在城東南隅上建崇壽觀山後負東

城有本花塢春月如瓊林山麓有泉名東山泉

爲城中第一泉

東墩 在城內縣署東三百步上建城隍廟又

名城隍墩

芝山 與東墩對上有五顯祠前爲華光樓

董干嶺 在縣東三里爲邑左衛

戴公嶺 在縣西南五十五里河村戴彥明開

闢爲三省通衢

新嶺 在縣西南七十里高六百餘仞周二十

里西合婺源芙蓉等嶺爲五嶺

得勝嶺 在縣南八十里初名塔嶺爲休整界

明正德中邑令唐勳戰走姚源洞寇因改今名

白際嶺 在縣南八十五里高一百五十仞脈

發五嶺連起羣峯相續東連歙之危峯方吳查

木諸嶺元萬戶吳訥與胡大海戰地也一路杉

松青翠滴人衣袖

黃竹嶺 在縣西一百六十一里爲張公山西

支山龍盤彎連饒州浮梁界書置巡司

率水 休水萬派合爲東港南港兩支大匯率
口邑西之最大者發源張公山浙江之大源也

其陽水南下而西流者過饒州會於彭蠡入於江其北水源有三皆自山巔瀑瀉而下一從望仙岩流出馮村梅溪口流入祁門界孚溪之水來會一流過石門至梅溪口會爲大川東去二十里爲流口一自高湖尖流出大連小連至汪村過桑園潭出彭汜坑口東去海口與梅溪孚溪之水相會東流百二十里至江潭溪口浙源之水赴焉亦名漸溪漢志云浙江水出黟縣南今浙嶺屬婺源溪屬休寧自此兩溪合水港益大渚清沙白岸闊壑深映日成藍拱陰聚碧千條萬派自上溪口歷月潭龍灣遶旱渡新渡瑤溪雁塘閘口高堰會於黎陽是爲南港橫接縣東港水合流而下連嶺白際之水至小姑潭而聚其初會爲三溪出合陽至率口乃大會蓋自漸溪東來百餘里矣穀紋錦浪可數遊鱗下見白石歷歷如在鏡中沝流上望則川巖參差岡岫縈繞一線水道皆自谿研怪石中百折而進灣曲險伏萬山俯瞰顧太史瑞屏謂處處皆惠泉在在皆龍井有以也又流四十里至浦口微郡歛浦之水方合流而爲新安江袁中郎記曰新安江清澈見底峯巒疊翠隱隱見水中時有突出水面者嵌空如湖石江行之一快也江爲山所夾東流千里石湍迅速目所注視輒不能了而山喜爲迴合數步一轉前舟莽莽忽如入壁折而隨之乃知其爲寶也新安江經嚴州至錢塘入海自張公山至錢塘共三百六十灘諺曰一灘高一丈徽州在天上李供奉詩云聞說

金華渡東連五百灘他年一攜手搖艇入新安
富鄉潭 在縣東二里旱禱有應以下即東港中深處
落石潭 在縣西南二里斷石山下
放水潭 有二一在縣南清風潭一在縣東十里萬歲山下
月潭 在縣西南四十里潭上兩山相揖對峙如門潭形圓如月以下即南港中深處
謁潭 在縣西四十里兩岸峭壁樹木交蔭有龍王廟
龍潭 在縣西北六十里旁聳石壁澄澈而深
龍潭 在縣西七十里崖有龍祠
江潭 在縣西七十里
千秋潭 在縣東十七里林塘潭與洞龍潛禱雨輒應潭上有焦石將軍石范方伯題曰龍漱
黃石潭 在縣東南四十五里
油潭 在縣南二十里
孚潭 在縣南三十里
龍潭 在縣南三十里有奇石
石牛潭 在縣南十里
方潭 在臨溪東南三十五里潭上有石如臺程辰州廷策謝郡垂釣於此一時名公卿題詠成鈞彙集
相公湖 一名黃墩湖湖有屨常與呂湖屨關程靈洗善射夢人告曰吾爲呂湖屨厄君若助吾必將後報東白練者我也明日靈洗正中黑屨後一道士指墓地葬其母即梁將軍忠壯公

故名
洋湖 一名陽湖在縣東南屯溪
九龍池 在縣東南
七星井 自縣前北而南
藕河 從西北入繞縣治前
柳河 從藕河繞縣前
婺源縣
納城山 即縣治山在城內五阜起伏如五星狀亦類蟒蛇西北隔軍營山有西湖是謂蟒蛇港大溪水原從此出自前唐遷縣治於此欲令水繞縣城故北築港口鎮以鐵牛南築港尾中潛水爲湖宋紹定辛卯縣尉趙宗沆甃堤以石旁植桃李中栽菱荷爲一時勝概星源八景中所謂西湖水榭是也今成闌闊
軍營山 在城內西隅巔聳板平有五代屯兵遺址山之右今學宮宅焉
錦屏山 在縣城西北二里秀若列屏春月繁花如繡八景中所謂錦屏春色
西山 又名雷壇山在西郭山聳峙如話軸爲邑治右障其上有雷壇禱雨即應明崇禎間學博夏萬亨建關聖廟於山麓并置田畝集諸生講習其中
查公山 在縣西城外山勢巖嶮南唐宣歙觀察使查文徵及宋御史查陶二墓在焉時查文徵與邑令廖平善相與講學於此後人刻其山之石曰查公山廖公泉今治西勝景廖塢鶴烟處

吳坑山 在城西北十五里層巒疊障躋攀爲難

西山 在縣北三十里其山高插雲表有明經書院

瑪瑙峯 在考川東去縣二十里

珊瑚峯 在縣北二十里時考川北

天堂山 在縣西北四十里爲邑治龍脈初分少祖上有庵

密山 在縣北六十里處士潘洪建庵其中都御史游震得題有詩曰雙木爲門閑野寺萬松

成塔禮寒山 在縣北六十里係船槽峽前特起

五星聚講山 在縣北六十里係船槽峽前特起

石門 在縣北坑頭石梁橫截中削爲門

雨餘山 在縣北六十里桃溪人多讀書其中

船槽嶺峽 在縣西北五十里爲邑治龍脈過峽處山甚奇秀有大小船槽五會脈同過後有

石屏廣可三里有月山日山夾峽鄉老言昔時槽中有水以艇濟今爲陸地可耕治石屏

下有二洞俗傳洞內有穴通鄱陽湖

月山 在縣北四十五里平地特起夾船槽左

脈又名寨山

日山 在縣西六十里平地突起夾船槽右脈

俗名蓬頭山

鳳山 在縣北五十里文筆金雞列爲屏嶂

桂巖 在縣北六十里與鳳山相近巖有奇石居民傷損最多近爲官禁稍停墮鑿

青蘿洞 在日山麓中有天尊行道巖潮來峯花鞋石天柱石芝田石鐘鼓石天井里人宣議郎李彥和嘗構精舍於此題其景名曰青蘿印月

角子尖 在縣西北七十里山勢高絕奇峯縹緲

黃荆墩山 在縣北七十里車田平地突起石

山狀若長虹首尾有飲虹二池

天馬山 在縣北七十里施村山勢險峻特立

頂甚平衍雄峙一方

石城山 在縣西北七十五里石屏列如城

五花尖 在縣西北九十里係菖徑源內與郭山相連

大郭山 在縣西北百二十里一名率山俗名張公山高一千四百仞周圍近百里磅礴峯峽

縣龍從此發脈東南界界休西界浮梁巖有振衣峯西屬彭蠡北眺黟山東望黃山南瞻

信州丫山如乘白雲上天際微郡最高山也

雞籠山 高一百二十仞周二十里形如雞籠

唐開元中有道士上居至此曰宜爲葬地其徒

回玉鄉人洪真遷父骨於此遂謀叛州發兵討

之捕殺餘黨真竟遁去乃即回玉鄉置婺源縣

鎮於清華其跡猶存

寨山 在清華

大廣山 在縣西北九十里高四百一十仞周

三十里又名大尖山發水出焉今名大安山亦

係菖徑源內十七都與四十五都連界

金剛山 在縣北百里與大郭山遙接其中水遠山環蘭若極稱靜僻

觀音尖 在縣北八十里由金剛山來南奔如雲

平鼻嶺 在縣北百里爲祁黟間道在浙源大

灣內與休寧接界

鰲峯 在縣北百里一名斧頭角其頂方平上

有天池池中有水高幾與高湖等

方屏山 在理源面前形如屏几

東山 左接屏山下有深潭余寓公建邁築於其側

九陽凹山 在縣北百里從高湖轉起雙峯兩

相並峙中間狀若天門北界休寧南爲理源水

發源至三溪口合平鼻金剛諸水爲沱水

高湖山 在縣北百十里接休寧前有湖寬六

七畝四時不涸側懸雙洞玲瓏軒敞一白石如

獅蟠踞洞頂兩眼注水欲雨必先出雲土人於

此以上晴陰後有通天竅遊人投石以測其深

淺歷歷不窮靡所底止直上即摩天頂俯眺羣

峯極目無際右轉山嵐石臺平坦名曰賓旭遠

望日出光彩爛然四射真奇觀也

高念山 在縣北百里與高湖連脈

洙源峯 在縣北百里昔名賁余士誠讀書講

學其下

鳳凰山 在縣北即鳳山查氏環居其下

浙源山 在縣北九十里由覺嶺迤邐而來名浙嶺發諸水俱入鄱湖惟此水東派入休達浙

故名其西派則匯繡水朱權邦彥有詩一抹冷雲遮嶺半千重古木滿巖隈山深林合失昏晝路轉溪迴迷去來

嚴池山 在縣北百四十里山之東屬休寧頂下有雙山作水口頗平衍山椒有水灌田三十餘畝四面高峰簇簇有庵陰雨之日白霧隨地旋轉咫尺不辨人面

迴嶺山 在縣北百里有峯高聳又名迴峯自縣趨郡間道

倚衡山 在縣北一百里西連回嶺

五龍山 在縣北九十里高大巖險盡日烟雲

天井山 在縣東北八十里谷環地竈有道院

燕嶺 在縣東北九十里

雞冠尖 在縣北七十里段莘

霞坑尖 在縣北七十五里段莘源內山勢高聳峻不可躋

圓鏡山 在縣北七十里慶源山頂連峯插天山半頓起華蓋其圓如鏡山麓有屏曰高蒼垓

南有石筍突兀溪濱如圭如璧里人呼爲踞石

杉樹尖 在縣北七十里慶源山頂勢最高上有龍巖禱雨多驗峯頂直望峴城遠近諸村歷歷如數

明山 在縣東北八十里又名郎山元末汪同曾建書院於其上西連迴嶺趨郡捷徑上有龍井庵

斜山 在縣東北八十里周數十里

龍尾山 在縣東百里高二百仞周三十里山

石瑩潔有羅紋爲硯質比端溪故又名羅紋山又名硯山

大湫山 在縣北五十里有茶庵庵存茂建

小湫山 去縣三十里有來蘇庵庵程建

五珠山 在縣東長徑高二百餘仞山形橫峙凡五起伏如貫珠故名

桃樹山 在湫溪去縣四十里

烟樓峯 在汪口東晴霽時遠視山川可百里

昔宋岳飛於上流中平鎮以此峯頂遙望敵人往來旌旗舉烟相示故名

玉屏山 在汪口村東西南北有四屏又云書案又云掛榜山

古坑鳳山 去縣四十里中多勝景有名賢詩

諸潭山 在縣北十九都梅田上有龍池龍巖

石房石筍原唐勝蹟火廢邑人胡景儒重建庵其上

塔嶺 在縣東百十五里高八十仞周九里又名德勝嶺爲休婺界水分饒浙上有江東正脈

坊五嶺此其一也

扶車嶺 在縣東一百二十里休界龍脈正脊

羊鬬嶺 在縣東一百五十里高百仞周二十里

對鏡嶺 在縣東九十五里有石澗其聲鳴咽

高百五十仞周圍十里

芙蓉山 在縣東八十五里高百餘仞周三十

里五嶺最高者山之冢爲芙蓉峯又名靈山

椒有蓮花石金鷄石朱初建有碧雲庵元南唐國師何令邇棲真之所山頂有龍湫石房房有

石筍何仙變化遺指一節今藏其下其陽有半月巖五祖巖

譚公嶺 在縣東七十五里江潯左徇往郡道

經中平登芙蓉人苦其險峻明萬曆甲辰知縣

譚昌言闢此觀芙蓉近可十里嶺稍平

三雲山 在大阪西坑口山發自玉蓮展玉屏

左右起巉石萬仞飛舞數百步上有聖巖儼然

雲蓋里中早則禱雨立應其上多珠蘭異卉

旗砂 在大阪水口形勢如旗鋪地上

屏郭山 在縣東九十里自芙蓉發脈下開平

壤曰大阪汪氏世居其地今名楊梅山

蓮花山 在縣東一百五十里高極天際羣峯

翠狀若蓮花中有龍湫禱雨輒應

濟嶺山 在縣東百里爲濟溪源頭

天堂山 在縣東百里爲大鑪東折

石門山 在縣東九十里山嶺有大石巖空洞

若門故名

坤維山 在八都濟溪西補水口之缺游震得

捐資堆築

和睦山 在縣東北百里石門山相連

石耳山 在縣東南九十里接衢界山自粵閩

信州來高峻隱天不可仞計乃一方之祖山餘

皆其支衍其勝蹟則有古佛黃道仙葉依仙趙

真仙奇概則山南有通霄峯連雲磴栖霞洞積

雪巖飛昇臺即三仙神舉處占年樹即五穀樹

蟠帶石臥龍巖八景山北有傳聲谷列星屏碧

羅岡青蓮嶠賓日亭轟雷峽珠簾島天海濤八

景

大鱸山 在縣東百里高五百仞接開化縣界

此山之脉自信州三清山來方輿志堯時洪水

有鱸魚上遊至此水涸鱸枯鱗骨山積故名

篁嶺 在縣東九十里高百仞其地多竹大者

徑尺故名曹氏世居

火焰山 在縣東九十里在小鱸源內山勢焰

天與鱸山相並

旂山 在旂坑東南有異峯有虹蜺勢如出旂

西北有雙峯勢如進旂故名

石際山 在縣南三十里又名實際

攸山 在縣東七十里頂平可容一二百人元

季義兵萬戶江子茂駐紮其巖以保鄉閭有龍

洞荒井諸遺跡

桃源大衝山 在縣東南六十里山有黃岡龍

洞懸崖飛瀑折西十餘里爲龍行石又距七里

爲石龜龜首之下有風洞洞旁有龍窟歲旱禱

雨輒應

鷹嘴山 在鍾呂大衝山東盤紆可十餘里特

矗一峯如鷹嘴山巔常有雲氣

小斂山 在縣東南七十里接開化縣界小斂

之水出焉

黃連山 在縣東三十里在五都古箭佳鬼特

立下有鐘鼓樓臺奇石

寨山 形類牙又名牙山在五都李坑之源旁

有真如庵

理田塔山 在五都李坑口上有塔

金龍尖 在縣南二十里係二都橫坑

黃瓜尖 在縣南三十里爲德興界

方山 在縣東三里又名朱相公尖有白鹿庵

南唐銀青光祿大夫朱寬讀書於此墨池猶存

諺云方山笑湖水平婺源出公卿

冠佩山 在縣西五里形似戴冠垂佩

魚岱山 又名魚隊在縣城南爲縣治及學宮

內案

丁峯 在縣治西南十里關鎖下流以完風氣

明萬曆乙未知縣朱一桂築基高一十八丈勢

入雲表於邑治爲丁位故曰丁峯

鵝峯山 在縣北六十里總名獅山層巒聳翠

桃溪潘氏世居山麓

萬卷山 在縣北六十里在桃溪屏障一方

太陽山 在縣西北五十里西坑廣十里高七

十仞山上有龍巖下建有庵

寨下尖 在縣北四十五里寨下山下有鵝冠

石橫入水中

珠山 在縣北四十里龍山二山兩岸臨溪對

仗有怪石有壇埠樹木里稱兩龍戲珠故村名

龍山

福山 在縣西南四十五里又名太極山外倉

內闕若城郭厥土左剛右柔明嘉靖間廣東湛

尚書若水講學於此建有書院

善山 惡山 兩山對峙二山隔溪相望

祥符經云善山爲王惡山爲夫人若各祭則爲

災迎惡山神就善山同祭則獲福一統志誤入

于祁門山中明嘉靖間尚書湛甘泉改善山爲

剛山惡山爲柔山

鶴停山 在三十都嵩峽東有鶴停山西有李

湖山兩山高聳挺秀並有仙巖佳境

九老芙蓉尖 在縣西南四十里山峯森立如

聚講狀山腰爲文公祖墓

油桐尖 在縣西二十里在三十都

仙山尖 在縣西二十里山陰有仙巖舊傳有

仙住其中巖內留有詩句歲久字爲蒼苔所剝

扶喬山 在縣西十里福陽

張山 在縣西南三十里有龍巖歲旱禱雨輒

應

石牛塔 在二十七都玉川上有大石狀如牛

下有石池清泉不竭池畔峭壁嵯峨不可攀躋

中有仙人杖履跡久旱巖有雲氣即雨

硯峯 在玉川山巔大石如硯有池可注水久

晴水亦不涸俗名硯瓦尖

高障山 在縣西南七十里南中平

重臺石 在縣西北七十里方石層疊幾重

湖山 在縣西七十里重湖湖旁有寺山麓

二溪夾流有李白渡世傳李白嘗涉此

金牛尖 即湖山之左峯高插雲端俗傳有樵

者遇一金牛於此故名

獅城山 在縣西六十里層石疊起四高中下

其狀如城山建有重興寺寺左有石頂銀亭係

里人侍郎李知已建

北山 在縣西七十里山頭有怪石號寶石石

後有空谷周迴數十畝李氏居焉

六山 舊宋平章馬廷鸞第在下今屬張姓世

居馬公有玩芳亭址親時丹桂尚存

齊山 在縣西八十里又有青岑洞洞門南北

相通

梅源山 在縣西百二十里舊名梅山唐天寶

間加源字又名翀山山產楊梅梁任助爲郡守

罷不采頂上有天池又朱湖窟深約三十丈廣

約十餘畝下有龍巖里人苦旱請水得方方雨

梅嶺 去梅山十里許爲徽饒通衢嶺頂有悅

來亭里人吳李二族衆建

黃岡寨山 在縣西七十里黃岡古傳明初有

程都五都六者保障地方結寨於上歛爲神里

人立廟於山下有禱多應山上有石槽石臼等

物

佛臺山 在縣西七十里汾水

柑子山 在縣西六十里舊時縣無柑子惟此

山產故名今橙子嶺疑卽此山

詹源嶺山 在縣西七十里

珍珠池山 在縣西七十五里頂上平曠有田

二十畝舊名金珠池

巨門山 在縣西八十里山勢盤踞迫臨環溪

五龍尖山 在縣西九十里許村聳秀特甚雄

奠一方山麓產紫芝異草

異山 在縣西南七十里山巔有十佛庵

石壁山 去縣七十里太白高百仞

印墩 在甲路石浮水面若印里稱印墩浮虹

楓樹尖 去縣八十里

蒼山 去縣九十里臨溪非舟不渡戴晉兄弟

構三友亭於此命曰蒼山小隱

大連山 在縣北一百二十里高四百仞周九

十里昔人避難多保聚此中與休邑接壤

聖和山 去縣九十五里在長溪

巴塘嶺 去縣五十里在賦春

風爐嶺 去縣八十里嶺上多峭石中有池塘

井田數畝

三靈山 在縣西九十里晉時有三道人修煉

於此故名

石老山 去縣六十里奇石壯觀高十仞周圍

二十里有三峯聳秀有文筆插天頂上廣數百

畝有吳王墓有龍潭禱雨輒應有長老寺環圍

村落北有樓下吳村西有石嶺方五馬方東南

有西坑張村石下所產多苧聚柿

古城山 去縣六十里卽石老山東派形如城

外峻中平出口處僅丈許宋岳武穆屯兵其中

笋嶺 去縣八十里屬山頭

盤山 在縣西八十里

禾峯 去縣七十里屬許村崇聳秀麗文墨之

士往往登眺吟嘯其上

嘒嶺山 在縣西周迴綿亘數十里接樂平界

層巒古木景物出奇五代吳順義中有僧來自

五臺入山跌坐鄉人築室居之宋張敦頤許月

卿元程文相繼讀書於此有嘒嶺移文連近有

仙女巖最高峻金鐘巖水清如鏡

大原山 去縣八十里在許村溪頭頂上有龍

潭石屋山腰有禪宇里人許天球題味其上

曹山 在縣南一百里曹村

澆嶺 在縣西一百里接浮梁縣界

濬源山 在縣西一百里西南連浮梁樂平

界又名風游山高三百一十仞列如屏障蜿蜒

曠與濬源之水出焉頂建靜隱寺有開山王崇

二祖師

大安洞 在縣西風游山畔石屋寬平有石鐘

石鼓石笋石柳有通天巖深數十仞龍居之禱

雨輒應

吳源山 在縣西百二十里周坑連樂平界

三子山 在縣西三十九都三溪里許村平闊

如展席橫几舊名牛丘山元許原思汪伯會許

仲鵬讀書其上故名曰三子

烏峯巖 在縣南二十里高安市北寨山下

石龍洞 在縣西北七里石龍山東北高一丈

二尺廣五丈可容數十人

蒼龍洞 在縣北十五里

靈巖三洞 考戴黃門游洞記實四洞在縣西

北百二十里脈連大郭中有洞靈觀卽通元觀

觀東北曰慶雲洞巖實皆五色兩巖瀑流上有

真人鸞鶴雲霞之像洞口有仙柏根盤石上倒

垂而下不沾雨露枝葉扶疎洞內有石室蓮臺

之勝邇流來燭入行可四五十步則芝田靈草

羅列左右西曰蓮花洞八百步有石室廣十丈

石像高丈八尺旁有羽蓋旛獅子繪轡還丹